

কাজালের ধন ।

NOT TO BE LENT OUT

ধনীর নিকটে কাজাল হয় অতি হয়ে ।

কাজাল কাজালে হয় মনের প্রণয় ॥

কাজালের ভাগ্যে যদি ধন কভু হয় ।

চুরিকরি আনিয়াছে ধনী সদা কয় ॥

এ ধন সে ধন নহে যাতে হিংসা হয় ।

এ ধন লভিলে হয় ধর্মের আশ্রয় ॥

শ্রীমতী ভবতারা দাসীর দ্বারা

প্রকাশিত ।

সন ১৩২৭ সাল ।

মূল্য ॥০

पिता स्वर्गः पिता धर्मः पिताहि परमशुभः ।

पितरि श्रुतिमापन्ने श्रियन्ते सर्वदेवता ॥

* बाबा ! आपनि कि क्षीरे कोषाय आह्वेन ता आनिना । आपनार सुकर्णफले आपनि ये स्वर्गराज्ये वास करितेह्वेन, इहा आमार दृढ विश्वास । कारण आपनि ये कतलोककर (कि स्वजातीय कि अन्तजातीय) अह्वेर संस्थान करिया दिवाह्विलेन, कत लोकके कर्णधार ह्वैते उद्धार करियाह्विलेन, ताहा ए दास अनिवाह्वे ७ षटके देखियाह्वे । ए दासेर नितास्त अदृष्ट मन्द ताई आपनार चरण सेवा करिया जीवन सार्थक करिते पावे नाई । ए दास आपनाके उद्देशे शत सहस्रवार प्रणाम करितेह्वे । आपनि आपनार संसार केव्हे षतशुलि गाह्व बसाह्विया गियाह्विलेन, ताहार मध्ये केवल दूती मात्र गाह्व এখন ७ वेँचे आह्वे, बाकि प्राम् सबशुलि अकाले मारा गियाह्वे । गाह्व शुलिर दुर्भाग्य वशतः केन गाह्वेर फल परीक्षा करिया घान नाई । एतदिन परे ए बाकि दूती कुकनो गाह्वे पाता गवाह्विया फल धरियाह्वे । से फलनि आर किह्वै नह्वे, "काङ्कालेसुध धन" ; ताहा आपनार चरण

* नाव ७ ब्राह्मवृष्ट हालदार, जाति उद्धवार, निवास ७२ नं गाधुरियावाटा श्रुति कलिकाता । ईनि वेव्वेर सहित डाईरेक्टर अनेरल पोईआकिसे कार्य करिया गियाह्वेन, ह्वे ये कि अविश्व ईनि ताहा देवाह्विया गियाह्वेन ।

উৎসর্গ করিতেছি। ঐ ফলটী জনসাধারণের মুখে ভাল লাগিবে
কি না জানিমা, যদি শ্রীহরির কৃপায় ও আপনার আশীর্ব্বাদে দুই
একজনের মুখে ভাল লাগে, তাহা হইলে এ দাসের পরিশ্রম সার্থক
হইবে। ইতি ত্যাং ২০ শে চৈত্র, ১৩২৬ সাল।

সেবক—

আপনার হতভাগ্য চতুর্থ পুত্র।

প্রিয়তমে।

আমি জীবনে তোমাকে কখনও কিছুদিয়া সুখী করিতে পারি
নাই। কেবল তাড়না ও অসুখী করিয়াছি। আমার হৃদয়ে বে
ধন লুকান ছিল, তাহার একখানি ফটো তোমাকে দিতেছি। যদি
তোমার ভাল লাগে তুমি মুদ্রিত করিয়া জন সাধারণের কর কমলে
অর্পন করিবে। কিন্তু ঐ ফটোর কোনস্থানে আমার নামটী
প্রকাশ করিও না। আর ইহা হইতে যা আয় হইবে, গরীব ছুঃখীকে
দান করিবে। সাবধান সত্য হারাইও না।

হতভাগ্য স্বামী।

যে মেয়ের বিবাহ নিলেও মেয়ের কষ্ট দেখা যায়, তখন ধনীরা যেরূপে
 মেয়ে ফেলবে এ আশার আবশ্যিক কি? মেয়ের যদি সমস্ত ভাল
 গুণ থাকে, তাহা হইলে তাহার গহনার আবশ্যিক কি? দোষ ঢাকিবার
 ও ঠাক জানিবার জন্য গহনার আবশ্যিক। ভগ্নিগণ! এইবার
 ভেবে দেখ। মেয়ের গুণ থাকলে, মেয়ের বিয়ের ভাবনা থাকে কি না,
 এইবার গরীব ভগ্নির কথাটি রাখিয়া অগৎ আলোকিত কর।
 আমার পাপের প্রায়শ্চিত্ত হউক। ইতি

তারিখ ৩০ শে চৈত্র, সম ১৩২৬ সাল।

কাকাল দাসের—সেবিকা
 শ্রীমতী ভবতারা দাসী।

কাকালে কাকালের ধন বন্ধ করতে জানে। ধনীরা মিকট
 কাকালের ধন চোখের বিষ। তাই আবার ভয় হচ্ছে।

তাঁহাদিগকে শ্রদ্ধা ও ভক্তি করিতাম । * কিন্তু ছুঃখের বিষয়
 এই যে, ভগবানের চক্রে তাঁহারা ও আমার আরও ৭।৮
 ভাই বোন আমাকে সকলে ফাঁকি দিয়া চলিয়া গেলেন ।
 এখন ভ্রাতার মধ্যে “আমি” (পিতার এক কুলাঙ্গার পুত্র)
 বর্তমান আছি । আমার যখন জ্ঞান হইল সংসার ক্ষেত্রে
 অবতারণ হইলাম, তখন আমার মনে মনে এই আপশোষ
 হইতে লাগিল যে, হায় ! হায় ! এ জনমে শ্রদ্ধা ভক্তির
 জীয়াত্ব প্রতিমূর্তি পিতা মাতার সেবা করিতে পারিলাম
 না, নিশ্চয় আমার জীবন বৃথা যাইবে । সেই অবধি
 আমার “ভক্তি শ্রদ্ধার” উপর অধিক ঝোক চাপিল ।
 সেই ঝোক মনে মনে হরিপাদপদ্মে ও কলিকাতার
 নিমতলা ঘাটের মা আনন্দময়ীর পাদপদ্মে চাপাইয়া
 সংসার খেলা খেলিতে আরম্ভ করিলাম । আমার বাল্য-
 কাল হইতে বিশ্বাস আছে যে পাপের অন্ততাপই পাপের
 মুক্তি । এই সাহসে নির্ভর করিয়া আমি মহামহিম পাঠক
 ও পাঠিকাগণকে সবিনয়ে জানাইতেছি যে আমি একজন
 পাষণ্ড । জগতে হেন কুকার্য্য নাই, যাহা আমি করি
 নাই । আমি যৌনবাস্তায় সুরাপ্রিয়, বেশ্যাসক্ত, গৌয়ার,

* অষ্টাবধি অনেকে জানেন নেপালচন্দ্র হালদার এই কাহিনীতে
 সহোদর ভাই ।

নাই। যেখানে “আমি” শব্দ যুক্ত হয় (অর্থাৎ আমিও তাঁর) সেখানে মূর্খতা এবং আত্ম গরিমা প্রকাশ ভিন্ন আর কিছুই নহে।

প্রথম—যখন . আমি পাপ ক্ষেত্রে বিচলিত করিতেছি, সেই সময়ে হটাৎ একদিন আমার জ্বর হইয়াছিল। সেই দিন উপবাস দিয়া আফিস যাই। যখন আফিস থেকে ফিরে আসি, সন্ধ্যা হয় হয়। এমন সময়ে দেখি, আমার বাটার প্রায় সম্মুখে গলির মোড়ে (পূর্বে বৈদ্যপাড়াগলি বলিয়া খ্যাত এখন পাথুরিয়া ঘাট বাইলেন) ভয়ানক ভিড় এবং ঐ গলির মোড়ের বাটার লোক সকল ও রাস্তার অশ্রান্ত লোক ও একজন পাহারওয়ালার একটা লোককে তাড়না করিতেছে ও গালাগালি দিতেছে। নিকটে যাইয়া ঐলোকটির অবস্থা দেখিয়া ভগবানকে মনে পড়িল মনে মনে কহিতে লাগিলাম হায় ! হায় ! এমন অবস্থাতে ও লোকের প্রতি অত্যাচার করিতে হয়। (ঐ লোকটি একটা মৃতদেহ মাদুরে জড়াইয়া দড়ি বাঁধিয়া নিমতলাঘাটে সংকারের জন্ত লইয়া আসিয়াছিল) একে সে নিজে কালী তাহার উপর তার লোক বল নাই ও অর্থ হীন। তাই আমি আর থাকিতে পারিলাম না, জ্বরের অসুস্থাবস্থায় আমি আমার বাটার ভাড়াটে “বরদা ময়রাকে” কহিলাম

বন্ধুর (শ্রীমহাদেব বসু ও শ্রীরাজেন্দ্রলাল মুখোপাধ্যায়)
 এক সঙ্গে ডবল নিউমোনিয়া হয়। দিল্লির প্রসিদ্ধ
 ডাক্তার সাগ্গাল মহাশয় উহাদিগকে দেখিতে ছিলেন।
 উভয়ের আর্থিক অবস্থা ভাল ছিল না। জ্যোতিন্দ্র
 নাথ গুপ্ত বলিয়া আমার একটি বন্ধু ঐ রাজেন্দ্র লালের
 আর্থিক অবস্থা ও সাংঘাতিক পীড়ার কথা বলিল। আমি
 বলিলাম আচ্ছা, এখন তুমি যাও আমি বৈকালে যাইব।
 আমি আফিস্ হইতে বাটী আসিয়া বাস্কে দেখিলাম
 সংসার খরচের টাকা ভিন্ন আর অধিক টাকা নাই।
 (কারণ সে গময়ে কায়ক্লেশে সংসার চালাইবার খরচের
 টাকা ভিন্ন হাতে অধিক টাকা থাকিত না ;) বেতনের বাকী
 সমুদায় টাকা ঋণ শোধের জন্য দিতে হইত। আমি
 জীবনে ছুইবার ঋণ করিয়াছিলাম। নিজের উদরের
 জন্য, অপব্যায়ের জন্য কিম্বা সুখাভিলাষের জন্য কখন
 কাহারও নিকট হাত পাতি নাই। ঐ ঋণটি আমার
 বাটী মেরামতের জন্য বাধ্য হইয়া করিতে হইয়াছিল।
 আমার প্রধান উদ্দেশ্য ছিল যে ভগবান যা দিবেন তাহাতেই
 তুষ্ট থাকিব। তখন রাজেন্দ্র বাবুর পীড়া সম্বন্ধে ডাক্তার
 বলিয়াছিলেন বোধ হয় এ যাত্রা আর রক্ষা হইবে না।
 আমার মনে তখনই উদয় হইল যে “রাখে কৃষ্ণ গারে কে ?”

আকুলতা বসে ব্যাকুলতা বাড়ে উভয়ই দুঃখের তরে ॥
 আকুল ব্যাকুল হওন কারণ পরান মোহিত হয় ।
 মোহের প্রভাবে আশার উদয় জীব ক্রমশে হয় ॥
 আশ উদয়ে • জীব ক্রমশে জীবন ভরিয়া ভবে ।
 ক্রম প্রভাবে রিপুগ্ন বনী হইয়া পীড়ায় জীবে ॥
 রিপু পীড়নে আশিত বান্দনে ভূষিত হইয়া মনা ।
 যাইছে জীবন মুখে দুঃখে ভবে ঘুরিয়ে গোলক ধান্দা ॥
 তথাপি চেতনা হসোনা হসোনা নিত্য ছুটাছুটি করে ।
 জানি না জগতে কাহার তরাসে বহু রূপী রূপ ধরে ॥
 ক্ষণেতে দয়ার উদয় সাগর ক্ষণেতে কুপন হয়ে ।
 ক্ষণেতে ভয় ক্ষণে অভয় সাজিয়া বেড়াই ধৈর্যে ॥
 ক্ষণেতে বশ বেড়িয়া শরীরে গস্তীর হইয়া বলে ।
 ক্ষণেতে নবীন বাসনা বিহীন প্রবীন সাজিয়া বলে ॥
 ক্ষণেতে শীকারি ক্ষণেতে ভিখারি কাঁধে করে আশামুলি ।
 ক্ষণে নিগাহর সাজিয়া জগতে ঠাসা কাঁদা কোলাহুলি ॥
 ক্ষণে স্নেহরসে হিয়াস্ত্রবীভূত ক্ষণেতে নিষ্ঠুর হই ।
 ক্ষণে ক্রোধভরে অদীর হইয়া পরম বচন কই ॥
 ক্ষণেতে উগ্র মুরতি ধরিয়া কঠোর তাড়না করি ।
 ক্ষণেতে হিংসা নগেতে পড়িয়া মরনে জলিয়া ধরি ॥
 ক্ষণে ঘাতি ক্ষমা কর ছোড়ক'রে ক্ষণে নিজে ক্ষমা করি ।
 জানি না জগতে কাহার ভয়েতে ক্ষণে ছাড়ি ক্ষণে ধরি ॥

ক্লেমে আচ্ছাকারী দাস ভাবেতে	ক্লেমেতে নিষেই প্রভু ।
কখন মেটেৱা কখন ভেটেৱা	চোর সাধু মনে কড়ু ।
যদিও একপে কাটিতোছে আয়ুঃ	তবু না বুঝিতে পারি ।
যাঁহারে দেখিয়া মোহিত হোয়েছি	হৃদে আশা পোতে পারি ॥
আশাতে আকুল হতালে আবুল	উভয়ে বিষমতা ।
তাই বলি মন একাদশে দম	হৃদে পাৰে সমতা ॥
সমতা প্রাপণ কুচি যদি হয়	হরিনাম সদা লহ ।
হরির হুকুম পালন করিতে	প্রাণ পণ করি রহ ॥

(কাঙ্গাল দাস)

হরির হুকুম পালন অর্থাৎ “কর্তব্য পালন” । কর্তব্য পালন কি না “সংসার পালন” । লোককে শিক্ষাদিবার জন্য মহাপুরুষ কিম্বা অবতার (অবতারদেব কথা স্বতন্ত্র তাঁহারা হৃদয়ে ভগবৎ প্রেমের বীজ ধারণ করিয়া জন্ম গ্রহণ করেন) তাঁহাদিগের লীলা দেখাইয়া ইচ্ছানুযায়ীক দেহত্যাগ করেন ।

ঈশ্বরের সৃষ্টিকেও সংসার অর্থাৎ জগৎ বলে, আর মাঘুষের সৃষ্টিকেও সংসার বলে । ঈশ্বরের সংসার বড় আমাদের সংসার ছোট । কিন্তু দুঃখের বিষয় এই যে ঈশ্বরের সৃষ্টি অর্থাৎ তাঁহার বচনা কোথায় দেখিয়া আমরা তাঁহাকে কিছুই উপলক্ষি করতে পারি না ও তাঁহাকে

ভৈরবী—কাহারবা ।

কুপিয়া তোমার গুণ কি বলিব আর ॥
 যখন ষার কাছে থাক, তখনই তার মান রাখ,
 তোমার সঙ্গে সঙ্গে যায় খাতির সবার ॥
 তুমি না কাছে থাকলে, মাগ ছেলে কত কি বলে,
 পিতামাতা বলে সদা ওরে কুলান্দার ॥
 তুমি যখন থাক টাঁকে, বন্ধু আসে ঝাঁকে ঝাঁকে,
 ফাঁকে ফাঁকে রগড় মেরে হয় চক্ষের বার ॥
 তোমার একটা আছে জোর, বিয়ের পণে কর রগড়,
 কাল প্যাচা খ্যান্দা মেয়ে কর তুমি পার ॥
 তোমার একটা গুণ আছে, থাকোনা তুমি কেরাণীর কাছে,
 ছুচারদিন বাদে তাদের করাও হাহাকার (মাইনে পাবার)
 বেশাগণ তোমায় পেলে, হোগনা তাদের ভাবের ছেলে,
 তাদের সঙ্গে বিহার করে একি চমৎকার ॥
 (কাফাল দাস)

টাকার ত এই গুণ । তবু সেই টাকার জন্তে
 মনুষ্য মাত্রেই নানা উপায় অবলম্বন করিতেছে । ভগবান
 যা দেন, যদি তাহাতে তুষ্ট থাকিয়া মনের মালিন্য দূর
 করিতে চেষ্টা করে, তাহা হইলে পরিণামে তাহার মনে
 নিশ্চয়ই শান্তি আসিবে । ইহা আমি নিজের জীবনে
 পরীক্ষা করিয়াছি ।

ধর্মপথের শ্রেষ্ঠ সাধন ।

ক)

“সত্য”

“সহ”

নং	ধর্মপথের কণ্টক (খ)	নং	ধর্মপথের সাহায্যকারী (গ)
১	কাম ।	১	ইন্দ্রিয় দমন
২	ক্রোধ ।	২	নিত্য উপাসনা ।
৩	লোভ ।	৩	নিঃস্বার্থ পরোপকার ।
৪	মোহ ।	৪	বৈরাগ্য ।
৫	মদ ।	৫	প্রভুভক্তি ।
৬	মাৎস্যর্ষ্য ।	৬	সরলচিত্ত ।
	অমৃতরগণ ।	৭	শান্তস্বভাব ।
৭	উচ্চ অজ্ঞতা ।	৮	ধর্মা ।
৮	সাংসারিক হৃচ্চিন্দ্রা ।	৯	অল্পে সন্তোষ ।
৯	পাটোয়ারি বুদ্ধি ।	১০	আমিত্র ভাবশূন্য ।
১০	বহুলাপ প্রবৃত্তি ।	১১	নিম্নের দোষের প্রতি লক্ষ্য ।
১১	কৃতর্কেচ্ছা ।	১২	অন্তের গুণের প্রতি লক্ষ্য ।
১২	ধর্মীভবন ।		

- ৫। বাড়ীতে ছুন আনতে পান্ডা ফুরিয়ে যায় কিন্তু বাহিরে লম্বা কোঁচা ।
- ৬। বিভিন্ন প্রকার নেশার বশ ।
- ৭। বিভিন্ন প্রকার বিলাসিতার দ্রব্য সংগ্রহ ।
- ৮। নিজের খাতির বাড়াইবার জন্য বিভিন্ন সমিতির টাঙ্গা ।
- ৯। কথায় কথায় বায়ু পরিবর্তনের জন্য বিদেশ ভ্রমণ ।
- ১০। কর্কস্ক করিয়া কিছা ভিক্ষা করিয়া ধর্মকর্ম ।
- ১১। নিজের অবস্থার প্রতি লক্ষ্য না রাখিয়া খাতিরে হঠাৎ কোন কার্য করা
- ১২। মকদ্দমা
- ১৩। কন্যাদায়।

এই দুইটতে লোকের সর্বনাশ হইতেছে।

ষষ্ঠম জন্ম মৃত্যু বিবাহ এই তিনটার স্থিরতা নাই তখন পূর্বোক্ত বিষয় গুলি কার্যে পরিণত করিয়া অভাব উৎপন্ন হারা কি সুখ ভোগ করা যায় তাহা বলিতে পারি না। ভগবান জীব সৃষ্টি করিবার পূর্বে তাহার আহারের সংস্থান করিয়া দেন। তবে লোকে উদরের জন্য কেন এত ভাবনা করে তাহা বলিতে পারি না। ইহা আর কিছুই নহে, কেবল ভগবানকে অবিশ্বাস করিয়া মনকে চতুর্দিকে বিক্ষিপ্ত করিয়া কষ্ট ভোগ করা। যাহাকে যেমন ভগবান দেন যদি তুষ্ট থাকে, তাহা হইলে সব সংসার শান্তিময় হইয়া আইসে। সেইরূপ সংসার খুব অল্পই দেখা যায়। প্রত্যেক সংসারে হিংসা, ক্রোধ, আত্মপরিচা ছাড়া কিছুই দেখিতে পাওয়া যায় না। ইহা

স্বর্গে দুঃখের বিষয় । হুম ! হুম ! ইন্দিয় চরিতার্থ করিয়া
অনিশিত সুখের স্তম্ভ ভগবানকে ভুলিয়া যায় । যেখানে
একপ মীলা হয় সেখানে সুখবৃষ্টির সৌক থাকিতে অনিচ্ছা
প্রকাশ করে । রতনে রতন হলে, যেমন ইন্দি তেমনি সন্ন্যাসী হয় ।
এই স্তম্ভ কোটি দেখিয়া লোকে হেলের বিবাহ দেয় । সংসারটা
আর কিছুই নহে ; মায়া, আকাঙ্ক্ষা, অন্ধা ও ভক্তির দ্বন্দ্ব ভূমি । কেহ
মায়া ও আকাঙ্ক্ষা লইয়া উন্নত হয়, কেহ অন্ধা ভক্তি লইয়া উন্নত
হয় । প্রথম দুইটিতে মনকে সংকীর্ণ করে আর দ্বিতীয় দুইটিতে
মনকে উদার করে । অনিকাংশ মোহাচ্ছ লোক, নিজে
ইন্দিয় চরিতার্থ ও মান বাড়াইবার স্তম্ভ নানা রূপ কষ্ট
স্বীকার এবং উপায় উদ্ভাবন করিতেছে ; কিন্তু দুঃখের বিষয় এই যে
যাহাতে মনের সংকীর্ণতা দূর হয়, সে বিষয়ে একটীবারও চেষ্টা
কিয়া যায় করে না । অপরের খোসামোদে ভুলিয়া গিয়া হিতাহিত
জ্ঞান শূন্য হইয়া যা তা একটি কাজ করিয়া ফেলে ও পরিশেষে
অসুখতাপ করে ।

বিঃকাট—একতাল্লা !

বিষয় মনে মনে হয়ে, পনের বধার আর ভুলনা ।

ভুলতে অনেক আছে, মনে হোনার কেউ যাবে না ।

অস্বাভিনব হুই কথ, করেছে কি তায় মর্গগীর্ষা ।

কম্বার মঙ্গ আর কিছুই নয়, বাব ছাড়া কেউ চলে না ।

সুন্দারা রূপ ধো, মাদাকঙ্ক্ষা আছে ঘিরে ।

পাগলের মত, কিম্বা খাতির, কিম্বা লোক হজ্ঞা শুকে, যা-তা একটা কথা বলিয়া তসত্য বা পরধর্মের আভাস গ্রহণ করা অতীত গর্হিত কর্ম, এই কার্যে সম্বন্ধীয় উভয় ব্যক্তিরই পক্ষে বিষময় ফল উৎপন্ন করে। এই সব কারণে সত্যের পূর্বে মনে মনে নিম্নলিখিত বিষয়গুলি স্মরণ করা উচিত হয়।

১। করণীয় বা অকরণীয়।

২। সক্ষম বা অক্ষম।

৩। সংক্ষেপে সম্পাদিত হইবে কি না।

(অল্প আয়াস সাধ্য কি বহু আয়াস সাধ্য)

৪। সর্ব সমক্ষে কি গোপনে সাধিত জনক কি না।

৫। কোন বিষয় ও বিপত্তি হইবে কি না।

৬। অপমান অনিষ্ট বা অসন্তোষ জনক কি না ?

৭। নিজে বা পরিবার বর্গের শক্তি কি অশক্তি।

চিন্তার যদি অকরণীয়, বহু আয়াস সাধ্য, গোপনে সাধিত, বিপন্ন বা বিপত্তি উৎপাদক, অপমান অনিষ্ট বা অসন্তোষ জনক, নিজে বা পরিবার বর্গের অশক্তি প্রভৃতি প্রমাণ হয়, তৎক্ষণাৎ ঐরূপ সংকল্প ত্যাগ করিলে ; এবং নির্ভয় কহিলে যে ইহা আমাদের সম্পাদিত অসম্ভব। সত্য কিম্বা প্রতিজ্ঞা গ্রহণের সময় ক্ষেত্রজ্য কিম্বা

সত্য পালনের পূর্বে বিবেচনা না করিলে যে নিজের অশান্তি হয় তাহা নিজের সম্বন্ধে একদৃষ্টান্ত লজ্জার মাথা খাইয়া নিম্নে দিতেছি । ইহাও একটি আত্মপাপের অনুভূতি অর্থাৎ শাস্তি । আমি যখন পাপ ক্ষেত্রে বিচরণ করিতেছিলাম, সেই সময়ে একটীর বেণ্ডার মাতা মৃত্যুশয্যায় শায়িত হইয়া তাহার কন্যার(ঐ-বেণ্ডার) তত্ত্বাবধানের ভার আমাকে ত্রিসত্য করাইয়াছিল । যখন আমি ত্রিসত্য করিয়াছিলাম তখন আমার বিবেচনা শক্তি কোথায় চলিয়াগিয়াছিল । আমি প্রথমে ঐ বেণ্ডার গৃহে বড় বেশী যাওয়া আসা করিতাম না । কিন্তু সেই দিন হইতে ত্রিসত্যের নিমিত্ত আমার মন এত চঞ্চল হইত যে, সর্বদা তাহার খোঁজ খবর লইতে ইচ্ছা হইত । ক্রমে ক্রমে ঘনিষ্ঠতা বাড়িতে লাগিল । সেও আমাকে না দেখিয়া থাকিতে পারিত না, আমিও তাহাকে না দেখিয়া থাকিতে পারিতাম না । ক্রমে ক্রমে বেণ্ডার হইলে যে যে কুর্কম করিতে হয় তাহা এই হতভাগার দ্বারা সম্পাদিত হইতে লাগিল । তাহার যাহা ফল হয় তাহা ভুগিতে লাগিলাম । ইতি মধ্যে হঠাৎ একদিন (যেদিন মন স্থান্ধর ছিল) এই হতভাগ্যের মনে হইল কেন আমি ঘরে বাহিরে, বন্ধু বান্ধবের নিকট, জন সমাজে

নাই। কবে যে ভগবানের দয়ায় বাসনার বীজ নষ্ট হইবে তাহা জানি না।

অনেক ক্ষেত্রে একরূপ দেখা যায় যে, একজন আর একজনের নিকট সাহায্য, ঋণ, কিম্বা পাওনা টাকা চাহিলে বলে, কাল সকালে এস. আজ ব্যস্ত আছি, এখনি নেয়ে খেয়ে বেরুতে হবে। কিন্তু বাবু বেরুবেন এ দরজা ও দরজা খাট দিয়া সেই বেলা বারটা একটা ; তার পরদিন দেখা করিলে বলে, “কাল এস” এই ডাক্তার খানায় শুধু আনন্দ যাচ্ছি। এই রকমে লোকগুলোকে ৫১৭ দিন হাঁটাইয়া হয় কাহাকে নিরাশ করিলে, কাহাকে কিছু দিলে, কাহাকে মাস কাবারের ওজর দেখালে। কিন্তু নিজের কিম্বা পরিবারের যদি সেই সময় কোন জরুর আবশ্যক হয়, তাহা হইলে কর্ত্ত করিয়া গিন্নির ছকুম তামিল পূর্বক কার্য্য সমাধা হয়। ইহাতে কি সত্য ভঙ্গ হয় না। এই সত্য ভঙ্গের ফলে বাস্তবিক মকদ্দিমা লেগে যায়, নিজের পাওনা টাকার দরুণ হাঁটাইটি করিতে হয়, ভগবানের চক্ষে ডাক্তারখরচ ইত্যাদিতে নিজের সর্বদা অভাব ও কাহাকার পড়ে, সদাই নাই নাই শব্দ এইরূপে মস্তিষ্ক বিকৃতি হইয়া ক্রমে ক্রমে নানা চিন্তা শরীরের মধ্যে প্রবেশ করিয়া

মেমেন্তনে এই সংসার গঠন, হরি তব পদে কবি নিবেদন,
 স্বর্গ করি কর দানেরে মোচন, হইতে এই সংসার বন্ধন।

(কান্দাল দাস)

সহ ও তাহার সম্বন্ধ—সহ যে কি তাহা কি করিয়া
 লিখিব জানি না। তবে এইমাত্র বলা যায় যে, রক্তঃ
 এবং তম গুণ সংঘটিত দোষ গুলির দমন নাম সহ।
 সহ ও ধৈর্য্য গুণ না থাকিলে কোন রিপু দমন করা যায়
 না। যখন সোভ হইতে কাম এবং কাম হইতে ক্রোধ
 উৎপন্ন হয়, তখন সোভের দমনের নাম সহ। যেমন
 সূত্রধর বাটালি হাতুড়ি ভিন্ন (পরে অন্য অন্য যন্ত্র)
 কোন কার্য করিতে পারে না, যেমন কাগজ কলম বা
 পেন্সিল না থাকিলে গণিত ^{শাস্ত্র} ~~শব্দ~~ যোগ বিয়োগ
 করিতে পারা যায় না, তেমনি মানুষের সত্য ও সহ গুণ
 না থাকিলে সে তাহার নিজের শরীরের মধ্যে গুণ দোষের
 যোগ বিয়োগ করিতে পারে না। যদি সহ শিক্ষা করিতে
 হয়, তাহা হইলে মাতা গর্ভধারিণী ও মাতা ধরিত্রীর
 নিকট শিক্ষা করা উচিত। উহাদিগের ন্যায় সহ গুণ
 অগতে আর কাহার আছে? যে মারে তাহার অপেক্ষা

সে গভর্ণমেন্ট অফিসের কেরাণী) কেহ বলিল কি পাষণ্ড জামাতা ভীত হইয়া তাহার ভগিনীপতির মারফৎ একখানি গহনা পাঠাইয়া দিয়া বলিয়া পাঠাইল যে, এই খানি বন্দক দিয়া ডাক্তার দেখান । আমি কহিলাম যে, আমার মেয়ের অদৃষ্টে যদি স্বামীর হাতে মৃত্যু থাকে তাহাই ঘটবে । আমি গহনা বন্দক দিব না । ডাক্তার খরচ কাহাকেও দিতে হইবে না । সকলে আমার মুখের দিকে চাহিয়া রহিল ।

সেই সময়ে মেয়ের গর্ভধারিণী, মেয়ের মামারা, জেঠারা প্রভৃতি সকলে নালিশ করিবার জন্ত ব্যস্ত । সেই সময়ে পাড়ার একজন ভদ্রলোকে আমার সামনে জামাতাকে উদ্দেশ্য করিয়া অনেক গালাগালি দিতে লাগিল এবং নালিশ করাইবার জন্ত জেদ করিতে লাগিল ; জামাতা তখন আমার পার্শ্বে দণ্ডায়মান, আমি শুদ্ধ বলিলাম যে একহাতে তালি বাজে না, আমার মেয়ের নিশ্চয় দোষ আছে আর সে একশুঁয়ে । সেই সময়ে কাহারও কথায় কর্ণপাত না করিয়া মনে মনে চিন্তা করিলাম, “যদি নালিশ করি ও জামাতার চাকরী যায় তাহাতে আমার কি লভা” এই চিন্তাটি কে যেন আমার মস্তিষ্কে জোর করিয়া ঢুকাইয়া দিল । আমার এই চিন্তাতে মনটা অনেক স্থির

বৃথা সুখের প্রার্থী হারা, হৃদয় তাদের গর্বে ভরা ।
পশুন যখন হয় যা তাদের, তারাই ভাসে নয়ন জলে ।
কৃতান্তলি হয়ে বসি, দুটি কথা শোনু মা কালি,

(কাকালের কথা শোনু মা কালী)

সুখে দিবেছি কৃতান্তলি (ওই) চরণ তোমার পাব বলে ।

একাদশ দমন না হইল শমতা আসে না । সর্বক্ষেত্রে
বিষম হইয়া উঠে । একাদশ অর্থাৎ দশেক্ষিয়, ও মন
কিন্মা ছয় রিপু আর পাঁচটি অন্তর, যাহা দোষ ও
শুণের তালিকায় দেখান হইয়াছে । ঐ একাদশ ক্রাপে
দমন করিতে হয়, তাহা কেহ আমায় শিক্ষা দেয়
নাই । কারণ প্রথমে আমার প্রবৃত্তি অন্তরূপ ছিল, মন নির্মল
হইয় নাই ; বিশেষতঃ এতাবৎকাল আমার শিক্ষাপুরুষ চেষ্টা
হয় নাই কিন্মা হুঁভাগ্য বলতঃ পাই নাই । সংসার খেলায়
শিক্ষা করিয়া আমার বুদ্ধিতে যাহা কুলাইতেছে, তাহাই
পাঠক পাঠিকাদের সম্মুখে উপস্থিত করিব । যদি কোন
মহাত্মা, কিন্মা ভক্ত, কিন্মা জ্ঞানী লোকের চরণে এই
কাকালের ধন অর্থাৎ পাগলামীটা গিয়া পড়ে, তাহা হইলে
যেন তাঁহারা কাকালের প্রতি কৃপা দৃষ্টি করিয়া যে
প্রকারে হউক কাকালের ভ্রম সংশোধন পূর্বক তাহার
মোক পথের পথী পরিষ্কার করিয়া দেন । কাকালের

কাম ও ক্রোধ জনিত দোষ ।

কাম		ক্রোধ ।	
১	দিবা নিদ্রা ।	১	পরের মন্দ চর্চা ।
২	তাশ পাশা খেলা ।	২	পরশ্রীকাতর ।
৩	যুগয়া ।	৩	পরের ছিত্র অঘেবন ।
৪	পরচর্চা ।	৪	ধলতা ।
৫	সুরাপান ।	৫	হটকারিতা ।
৬	নৃত্য ।	৬	ঔহত্য ।
৭	গীত ।	৭	শ্রাঘ্য প্রাপ্তির বঞ্চনা ।
৮	বান্ধ ।	৮	গচ্ছিত দ্রব্য অপহরণ ।
৯	মাদকতা সেবন ।	৯	কটু ও কঠোর বাণী
১০	বৃথা ভ্রমণ ।		প্রয়োগ ।

এখন দেখা যাক লোভ কি এবং কিসে উৎপন্ন হয় । সাধারণতঃ দেখতে গেলে ভোগ্য বিষয়গুলি হইতেই লোভের উৎপত্তি । ভোগ্য বিষয়গুলি যথা খাওয়া, পরা, শোয়া, বেড়ান, ঘুমান, আমোদ, আহ্লাদ, ইত্যাদি । এই সকল কে ভোগ করে ? শরীর এবং এবং শরীরস্থ ইন্দ্রিয় সকল । ইন্দ্রিয় সকল, যথা চক্ষু কর্ণ নাসিকা

লোভে, পরে খাতিরে ভাল জ্বোর লোভে পড়িয়া অধিক খাইয়া ফেলে । যদি তাহার হৃদয় শক্তি না থাকে তাহা হইলে সে, যে কষ্ট ভোগ করে তাহার নাম অশাস্তি, শেষে কোন কোন ক্ষেত্রে বিনাশ অর্থাৎ প্রাণনাশ হয় ।

লোভপূর্ণ অভ্যাসে, লোভের পরিমাণ বৃদ্ধি করে । যদি রোজ নূতন নূতন ভাল ভাল জিনিষ খাওয়া যায় তাহা হইলে আর শাক ভাত ভাল লাগিবে না ও খাইতে কষ্ট হইবে । লোভের পরিমাণ যত বাড়িবে ততই অভাব বোধ হইবে, এবং অভাব বৃদ্ধি হইলে অশাস্তি আসিবে । সেই জন্য লোভশূণ্য অভ্যাস ভালরূপ সাধনা করিলে বোধ হয় আজীবন কষ্ট হয় না । শরীর মহাশয় বালাবস্থা হইতে যাহা অভ্যাস করিবে তাহাই সহিবে ও চলিবে । কিন্তু দুঃক্ষের বিষয় এই যে, লোকে কথায় কথায় ভগবানকে দোষ দেয় এবং বলে যে ভগবান কি আমার কপালে সুখ লিখিয়াছেন ; সুখ নিতে জানলেই ভগবান সুখ দেন, আর না নিতে জানলে কিরূপে দেবেন । বাহারা ঐরূপ ভগবানকে দোষ দেন তাঁহাদের এই জিজ্ঞাস্তা যে, ভগবানের কি আজ্ঞা আছে যে, লোভের বৃদ্ধির দ্বারা অভাব উৎপন্ন করিয়া মনের শাস্তি দূর করিবে । যত অভাব কি মধ্যবিৎ

- প্র। আচ্ছা ! ঐ মুড়ি খেকো ছেলেটা কেমন মোটাসোটা, নধর দেখ ;—আচ্ছা, তোমার ছেলে এই রকম মোটাসোটা ?
- উ। না সে বড় রোগা ।
- প্র। যদি তোমার ছেলে ঐ রকম মোটা হয় তা' হ'লে তুমি ঐ গ এর বাড়ীতে থাকতে ভালবাস ।
- উ। না,—আমি খেতে না পেলেও ঐ ভাবে থাকতে পারবো না ।
- প্র। তোমার ঘাড়ে বেদনা হবে, এইবার মুখ তুলে চাও ।
- উ। মুখ উত্তোলন—
- প্র। তুমি কটাকা মাহিনা পাও ?
- উ। ৩৫ টাকা ।
- প্র। তবে তুমি ও রকম থাকতে পারবে না ?
- উ। না ।
- প্র। তোমার ঠাকুর কি কাজ করতেন, কত মাহিনা পেতেন ?
- উ। পঞ্চাশ টাকা ।

প্র। স্বীলোক গুলি কি করছে ?

উ। যে যাহার কাজ করছে ।

প্র। তোমার ছেলে কটা ?

উ। চার পাঁচটা ।

প্র। ঐ ছেলে গুলোর-মতন কেউ কি মোটা-
সোটা আছে । বোধ হয় মধ্যে মধ্যে অশুখ হয় ।

উ। হাঁ, মাসে মাসে অশুখ হয় ; সেই জন্য মোটা
হতে পারে না ।

প্র। তাহারা কি তোমার কাছে থাকে, না, অন্য
কোথাও থাকে ?

উ। আমার শস্তুর বাটা ।

প্র। কাছে রাখনা কেন ? বোধ হয় তোমার আয়ের
উপর চলেনা ।

উ। হ্যাঁ ।

প্র। আচ্ছা তোমার শস্তুররা বোধ হয় বড় লোক ।
তাঁহাদের বাড়ীতে বোধ হয় খুব ভাল ভাল
খাবার ও বিছরের বন্দোবস্ত আছে ?

উ। হ্যাঁ ।

প্র। তুমি এখন কি খাও । বোধ হয় দুবেলা ভাত
খাও ?

হজম কোরবে । কেমন এইবার কিছু বুঝলে
উ । হাঁ, অনেকটা বুঝছি ।

প্র । তবে "গ"এর স্থানের লোকের জ্বায় থাকিবে
ঠিক্কা কর ?

উ । না যেমন চলছে চলুক । "খ" হইতে অবতরণ
মধ্যস্থিত লোকের মধ্যে অনেকে এণ্টেস, এলে, বি-
পাস দিয়া কেহ কেবাণীগিরি, কেহ স্কুল মাষ্টারি করিতেছে
এবং তাহাদেরই অবস্থা শোচনীয় । বোধ হয় তাহা-
দের পূর্বপুরুষেরা অনেকেই কেবাণীগিরি কিম্বা স্কুল
মাষ্টারি করিতেন । পূর্বে ২৫ টাকার বেতনে দোল
ছুর্গোৎসব করিয়া মনের সুখে কাল কাটাওয়া গিয়াছেন ।
পূর্বেকার লোকেরা নিশ্চয়ই, যে যাহার অবস্থায় তুষ্ট
থাকিতেন । যেখানে তুষ্টতা সেই খানে শাস্তি, সেইখানেই
অভাব নাই । যেমন পূর্বে জিনিষ-পত্র সস্তা ছিল এখন
তেম্মি টাকা সস্তা । সস্তার তিন অবস্থা । টাকা সস্তা
হলে কি হবে ;—লোভ, কাম, ক্রোধ যেন হাঁ করে আছে ।
যেখানে টাকা দেখিতেছে, যেন দৌড়ে গিয়ে হাঁ ক'রে
গিলে কেলেছে । আর প্রতি ঘরে অজ্ঞাবরূপ পেয়াদা
মোতায়ান রেখেছে । যার লোভ নাই তাহার অভাবরূপ
পেয়াদার ভয় নাই ।

ও ভাত ভাতাদের খেতে দিচ্ছে । সকলের পরিধানে
আধখানা কাপড় । তারা খুব মনের আনন্দে আছে ।

প্র । এইবার মুখ তোল ?

উ । না—তুলতে পারবো না আমি যেন কি পাচ্ছি ।

প্র । কি পেয়েছ ? দেখাও দিকি ? (মুখ তুলিয়া)

উ । যা পেয়েছি কি করে দেখাব । সেত দেখাবার
জিনিষ নয় ;—সে যে হৃদয়ে আছে । সে ধন
কেউ চুরি ক'রতে পারে না ;—সে ধনের কেউ
হিংসা ক'রতে পারে না ;—সে ধনের কোন
ওয়ারিসন নাই—সে ধন মৃত্যু সময় পর্য্যন্ত সঙ্গে
সঙ্গে থাকে—সে ধন ছড়ান আছে কেউ নিতে
জানেনা—

প্র । পাগল হল নাকি । কি ধন বলনা ।

উ । কি ধন—সে ধন অনলে পোড়ে না, সলিলে ডোবেনা ।

প্র । —তোমার মুখটা হাঁসি হাঁসি কেন হল ?

উ । আমি,—একজন এখন বড় ধনী ।

প্র । একবার "ক এর দিকে চাওনা ?

উ । না আর ও দিকে চাইব না চাইলে যে ধন পেয়েছি ?
হারিয়ে ফেলব ।

প্র । কি ধন পেয়েছো তবে বলনা

লোভ সম্বন্ধে বলিতে আর কিছু বুদ্ধিতে যোগাই-
 তেছে না। যাহার লোভ হয়, সে যদি নিজেই স্থির মস্তিষ্কে
 ইহার উৎপত্তি ও পরিণাম ভাল করিয়া চিন্তা করেন, তাহা
 হইলে নিজেই সমস্ত বুদ্ধিতে পারিবেন। যেদিকে লোভের
 উৎপত্তি, সেই দিক হইতে মনকে ছুরে নিরূপ করিবে।
 মন যখন ঐহিক সুখের নিমিত্ত পার্থিব বস্তু যথা—কি খাদ্য
 জ্বা কি পরিধেয় বসন ইত্যাদির জ্ঞা বাকুল হইবে তখন
 তাহা আশ্রয় না করিলে আপনা আপনি লোভ কমিয়া
 আসিবে। যশ মান প্রভৃতি সম্বন্ধেও যখন হৃদয়ে কোন
 প্রকারের কণ্ডুয়ন উপস্থিত হইবে, কখনও সেই কণ্ডুয়নের
 প্রশ্রয় দিবেনা। মোট কথা যাহা হস্তগত হয়, তাহাকে হস্ত-
 গত করিবার চেষ্টা করিবে না; আর যাহা হস্তগত হইয়াছে
 তাহার আকর্ষণ হইতে রেহাই পাঠিবার চেষ্টা করিবে।
 পরম পিতার আদেশমত কর্তব্যপালনে যাহা যাহা আবশ্যিক,
 তাহার উপরে নির্ভর করিয়া করিতে হইবে;—কোন
 বিষয়ের অধিক আকাঙ্ক্ষা করিয়া তাহা নিশ্চয় পাঠিবার
 আশায় যেন লোভের বেগ বৃদ্ধি নাহয় এবং লোভে উদাসীন
 থাকিয়া সকলকার্য্য করা উচিত। ইহাতে অন্তরে শ্রম ভিন্ন
 দুঃখ হইবেনা। ধনী, গরীব, সাধু সন্ন্যাসীর বিষয় ভাল-
 রূপ পর্যালোচনা করিলে অভ্যাসের যেত্যাগকল বোধগম্য।

কারক হয় না। ইহার কারণ আর কিছুই নহে, বোধ হয় কোন স্থল ঘটনার ক্ষোভ উৎপন্ন হয়, এবং সেই ক্ষোভ কাহারও নিকট প্রকাশ করিতে পারে না। ক্ষোভ হইলে প্রতিশোধ লইবার জন্য নানা উপায় উদ্ভাবন করিতে করিতে মনকে চিন্তাশ্রিত করিয়া কেলে। চিন্তাই শরীরের অনিষ্ট কারক ; চিন্তা দ্বারা পরিপাক শক্তির হ্রাস হয়। তখন ডাক্তারে ঔষধ দিয়া কি করিবে ; ডাক্তারে কোন উপায় না দেখিয়া শেষে জলবায়ু পরিবর্তনের জন্য ব্যস্তা করিয়া দেন। প্রকৃত পক্ষে ইহা দেখিতে গেলে জলবায়ু পরিবর্তন নহে; মনবায়ু পরিবর্তন। সেষ্টকালে সর্বদা মনবায়ু বিস্তৃত রাখা উচিত। যেন কোনরূপ ক্ষোভ ইত্যাদির বদ্‌গন্ধের দ্বারা দূষিত না হয়। সে গন্ধ দূর করিতে ডাক্তারের বাবার ক্ষমতা নাই। রুগী যদি নিজে চেষ্টা করে তবেই সেই গন্ধ দূর হইয়া যায়।

কোথেকে হিংসা বলিলে অত্যাঙ্কি হয় না ; যেমন চাল জাল ও মুড়ী। চাল হইতে দুই উৎপন্ন হয়, কেবল স্নাত্তি ও খাদ্যের সামান্য বিভিন্নতা আছে। জলে ভিজাইয়া খাইলে আর দুইটীরট খাদ একরূপ বোধ হয়। কোন প্রাণীর প্রাণে অঘাত করিলেই যে হিংসা করা হয়

বাল্য বয়সে যখন ছেলেরা লেখপড়া করে, তখন তাহাদের মনে কত প্রফুল্লতা, কত তেজ, কত উদারতা থাকে । তখন তাহারা বাটীর সর্বস্থানে বসিতে, দাঁড়াতে কোন “কিন্তু” বোধ করে না, এবং সকল ঘরের পরিচ্ছন্নতা, সকল জ্বোয়ার যত্ন খোঁজে । কিন্তু যেই যৌবনে পদার্পণ করিয়া বিবাহ করিল, অমনি তাহার সমস্ত উচ্চম ক্রমে ক্রমে সংকীর্ণ হইতে আরম্ভ হইল । শেষে এত সংকীর্ণ হইল যে সমস্ত বাড়ীটি একখান ঘরে পরিণত করিল । অর্থাৎ তখন “আমার” বলিবার শক্তি জন্মাঠিল । তাহার তখন আমার বউ, আমার ঘর, আমার বিছানা, আমার বালিস, আমার কাপড়, আমার দেওয়াল, কেবল “আমার” “আমার” চিন্তা আরম্ভ হইল । যতদিন না বিবাহ করে ততদিন “আমার” “আমার” বলেনা ও ভাবে না । এইবার ভাবিয়া দেখুন ‘মোহে’ অর্থাৎ আমার আমার শব্দে সংকীর্ণতা আসে কিনা ? আমার যেই ছেলে হলো—মোহ তখন মায়া রূপ ধারণ করিল । মায়াতে আরম্ভ সংকীর্ণতা আরম্ভ হইল । মন যত সংকীর্ণ হইয়া আসে তত মনের কষ্ট আরম্ভ হইতে থাকে । মায়া প্রথমে ছেলের ভিতর থেকে উঁকি মাঝে । সেইজন্য ছেলের কিছু হইলেই পিতামাতা ভাবিয়া আকুল হয় । ঐরূপ ভাবিয়া লোকে

মনের গরম হইলে কি হয় ? মনের ঝাঁজ্ বাহির হইতে আরম্ভ হয় । মনের ঝাঁজ্ কি ? জ্ঞানের গর্ব ও অর্থের অহঙ্কার । যখন ঘটনাচক্রে নিশ্চয় সম্পাদিত অমুভূতি অনিশ্চিত হয় ; যখন ভগবানের শক্তি ভিন্ন কোন কাজ করা যায় না কি ভাবা যায় না ; যখন ভগবান শক্তির প্রত্যাহার করিলে আমাদের হাত পা বন্ধ হইয়া যায়, তখন লোকে নিজের গর্ব নিজে করে কেন ? কি জ্ঞানী, কি সুবক্তা, কি কবি, কি সমর বিজয়ী যোদ্ধা, কি সঙ্গীত বিশারদ গায়ক, কেহ কি নিশ্চয় করিয়া বলিতে পারে যে তাহাদের ক্ষমতা কোন কালে হ্রাস হয় নাই, ও হইবে না ;— নিশ্চয় নয় । কখনও না কখন হ্রাস হয়েছে কিম্বা হইবে । কোন শক্তির অভাব হইলে এইরূপ হ্রাস হইবে তাহা কে বলিতে পারে ;—আত্মদৃষ্টির অভাবে নিজের পাপ নিজে দেখেনা বলিয়া লোকে অহঙ্কার করে । ভাগ করিয়া চিন্তা করিয়া দেখিলে, অহঙ্কারই লজ্জায় পরিণত বোধ হয়, এবং নিজকৃত পাপসকল দৃষ্টিপথে পতিত হয় । মোটকথা নিজের দোষ না দেখিয়া গুণের প্রতি লক্ষ্য রাখিলেই অহঙ্কার হয় । যে ব্যক্তির নিজের দোষের প্রতি লক্ষ্য থাকে, সে ব্যক্তি মহাত্মা, ; তাঁর জীবনে অহঙ্কার করিতে ইচ্ছা হয় না । অহঙ্কার যেখানে সেইখানে মিথ্যা প্রয়োগ ;

শোচনীয় ও হতভাগ্য জীবন আর নাই। মাৎসর্য্যপূর্ণ হৃদয় নিজের উন্নতি ভুলিয়া যায় ও পরের মন্দ করিবার প্রাণপণে চেষ্টা করে। ইহা প্রায় সকলেই দেখিয়াছেন ঈর্ষাপূর্ণ জীবনে সর্বদা অভাব বোধ করে—আর প্রবঞ্চক হয়। সুতরাং তাহাদের হৃদয় সর্বদা অশান্তিতে পরিপূর্ণ থাকে যেখানে নিজের মনের কিম্বা অন্য রকমের উন্নতি করিবার ইচ্ছা আছে সেখানে ঈর্ষা আসিতে পারে না।

চন্দ্র, মৃগাল ও কুম্ভ এই তিনটির গুণ না দেখিয়া যে সর্বদা উহাতে কঙ্গক; কাঁটা ও কীট দেখে তাহার জ্ঞায় হতভাগ্য আর কে আছে। যেমন সাপে কামড়াইলে ক্রমে ক্রমে তাহার বিষ সর্ব শরীরে বিক্ষিপ্ত হইয়া প্রাণ নাশ করে সেইরূপ মানুষে ঈর্ষারূপ অনলে দগ্ধ হইয়া শেষে আত্মহত্যা রূপ মহাপাপে পতিত হয়। ইহা অপেক্ষা আর ছঃখের বিষয় কি হইতে পারে।

পূর্বে কৃত ছয়টি রিপূর অনুচর গুলি সম্বন্ধে বিস্তৃত রূপে বর্ণনা করিতে গেলে পুস্তকের আকার বৃদ্ধি হইয়া যাইবে বলিয়া নিম্নে সংক্ষিপ্ত বিবরণ দিতেছি ইহাতে যদি কাকাল দাসের দোষ হইয়া থাকে আশা করি পাঠক-গণ নিজ গুণে ক্ষমা করিবেন। যেমন “বাপ তেমি বেটা” যেমন “গুরু তেমি শিষ্য,” যেমন “রাজা তেমি মন্ত্রী”।

(খ) কোন বস্তু না হলে চলিবে না, এই ভাবে মনে না আনা ।

(গ) সমাজের অমুরোধ কিম্বা ভয় না রাখা ।

(ঘ) ভাল বিষয়ে মানোনিবেশ । যথা ;—সাধুসঙ্গ, পবিত্র আমোদ প্রমোদ, ভগবদ্ভিষয়, বা বিদ্যাভিষয় চিন্তা (কিন্তু অর্থ বিষয়ক নহে)

(ঙ) নিয়মিকে দৃষ্টি রাখিয়া নিজের অবস্থার তুলনা ।

(চ) নির্জনে বাস না করা ।

৩। “বহ্মালাপে প্রবৃত্তি ও কূতর্কেচ্ছা,” অত্যাশ ও স্বভাব হইতে উৎপন্ন হয় । নিম্নলিখিত উপায়ে উহা দূরীভূত হয় ।

(ক) মৌনব্রত । (সপ্তাহ অন্তর একদিন)

(খ) নির্জন বাস ।

(গ) সত্যের আশ্রয় ।

(ঘ) সংকীর্ণ, ভক্তিগ্রন্থপাঠ ও সং আলোচনা ।

৪। “ধর্মাড়ম্বর,” ধর্মের ভাণে লোকের সুখ্যাতি প্রত্যাশা হইতে উৎপন্ন হয় । নিম্নলিখিত উপায়ে উহা দূরীভূত হয় ।

(ক) অতিরিক্ত ধর্মতাব না দেখান ।

৩। অশ্বেয় ।

৪। ব্রহ্মচর্য্য ।

৫। অপরিগ্রহ ।

বহুসাধনায় ষাঁহার আরাধনা করিয়া দেবাদিদেব
ভগবান মহাদেব, ভীষ্মদেব—দেবসেনাপতিকুমার, সনক,
সনন্দ, সনাতন সনৎকুমার ও ৮০০০০ ঋষি—উর্দ্ধবেতা
হইয়া ষাঁহার সালোকা লাভ করিয়াছিলেন তাঁহারই নাম
“যম” । যিনি ঐশ্বর্য্য বিতৃষ্ণ, পরম সন্তুষ্ট,—যিনি স্বার্থের
অতীত ও পরার্থে-নিযুক্ত তাঁহারই নাম “যম” । পূর্বেকৃত
পঞ্চগুণ সাধনা করিলে তাঁহারই সাধনা করা হয় এবং
তাহাকেই “যমসাধন” কহে ।

১। অহিংসা.....অর্থাৎ হিংসা না করা । প্রাণ বধ
করিলেই যে হিংসা বোঝায় তাহা নহে, যে কোন প্রকারে
অশ্রুর প্রাণে আঘাত করার নাম হিংসা, ঈর্ষা অথবা
মাৎস্য্য । এই সম্বন্ধে পূর্বে বলা হইয়াছে ।

২। সত্য.....পূর্বে বলা হইয়াছে ।

এস্থলে বাক্য তিনটি সাধন সম্বন্ধে কিছু কিছু বর্ণনা
করিতেছি।

৩। অশ্বেয়—চৌর্য্য ত্যাগের নাম অশ্বেয় । ইহার
অর্থাৎ চৌর্য্যের গতি অত্যন্ত মন্দ । ইহার ইচ্ছা

করান; ঐ দেখাদেখি যাহার অর্থ সম্পত্তি নাই সেও ঐ ফলের আশায় কৰ্জ্জ করিয়া কিম্বা আপনার লোকের নিকট জ্বর দস্তি ভিক্ষা করিয়া কার্য্য সমাধা করে । হায় ! হায় ! তখন তাহারা কিছুই বুঝতে পারে না যে, কৰ্জ্জশোধ করিতে না পারিলে কিম্বা পাওনাদারদের টাকার জন্ত হাঁটাইটি করালে কি পাপ হয় । ইহাতে সত্যের সাধনা পথে কণ্টক নির্গত হয়, অর্থাৎ ধর্ম্মের পথেও কণ্টক হয় ! তাহারা কখনও সত্যপথে চলিতে পারিবে না ; কারণ তাহারা ধর্ম্মানুষ্ঠানের দোহাই দিয়া সত্যকে হেয়জ্ঞান করে, সুতরাং তাহাদের ধর্ম্ম কর্ম্ম সব মিথ্যা । যদি ক্ষমতায় না থাকে, কিম্বা পাওনাদারদের হাঁটিতে হয়, কিম্বা কাঁকি দিতে হয়, কিম্বা রফা করিতে হয়. তাহা হইলে তাহারা যেন ভক্তিভাবে চক্ষের জল দিয়া তাহাদের ইচ্ছা পূর্ণ করে । ইহাতে অধিক ফল আছে । ইহা মানব মত্রেই স্মরণ রাখা উচিত যে, যদি কোন কার্য্যের জন্ত পুরোহিত ঠাকুর, তাহার নিজের দক্ষিণার জন্ত কোন কথা উত্থাপন করেন কিম্বা সে সম্বন্ধে জোর করেন, তাহা হইলে সে কার্য্যের ফল ভগবান দেন না । কর্ম্মফল ভগবান পুরোহিতের দ্বারা পাঠাইয়া দেন । তিনি যদি পূর্ব হইতে তাহার পরিশ্রমের ফল বজমান-

দিগের নিকট হইতে জোর করিয়া লইলেন তাহা হইলে ভগবানের নিকট তাঁহার কন্মের কি জোর রহিল আর তিনি কোন্ মুখে ভগবানকে জানাইবেন।

ব্রাহ্মণেরা নিজের দোষে অর্থাৎ নিজের স্বার্থের জন্য টাকাকে বড় করিয়াছেন। তাঁহারা টাকা পেলেই সমস্ত বিধান দিতে কুণ্ঠিত হন না। যদি একটা নিয়ম ঠিক রাখিতেন যে, সাধনা (অর্থাৎ ব্রাহ্মণের ব্রহ্মচর্য্য ও শূদ্রের সত্য ও সচ্ছ সাধনা) ভিন্ন কি পুরোহিত, কি যজমান, কেহ কোন কার্য্য করিতে পারিবে না, তাহা হইলে যজমানেরা (কি ধনী কি দরিদ্র) ব্রাহ্মণদিগের পদানত হইয়া থাকিত আর তাহাদিগকে দক্ষিণীর দরুণ হাঁটাইটি ও রক্ষা করিতে হইত না।

অনেক ব্রাহ্মণ আছেন গায়ত্রী জপ করেন না; কেহ জপ করেন, তাহার অর্থ জানেন না, কেহ বা ভুলিয়া গিয়াছেন। ব্রাহ্মণদিগের নিকট একথা উত্থাপন করিলে উৎকণ্ঠা তাহারা বলিয়া বসেন, কি করিব পেটের দারে সব ভুলিতে হয়। তাঁহাদের দেখাদেখি যজমানেরা কহেন, কি করিব পেটের খাড়া করতে করতে দিন কেটে যার তা আর সাধনা করবো কখন? এই কাকাল তাঁহাদের জিজ্ঞাসা করছে, পোড়া

৫। বৃক্ষপত্র.....অমূল্য রতন । করিণ বৃক্ষ
পত্র পাইলেই বালকেরা কখনও মাথায়
রাখে, কখনও মুখে দেয়, আবার কেহ
চাহিলে কেমন লুকাইয়া রাখে ।

যদি পিতামাতারা বালকের ভাব বজায় রাখিয়া
তাহাকে ভালরূপ শিক্ষা দেন তাহা হইলে এক একটা
আদর্শ হইয়া উঠে । প্রথমে ঐ জুজু, ঐ বুড়ো ঐরূপ
ভয় দেখাইতে আরম্ভ করিল । তাহাতেই ছেলেবেলা
হইতে বালকের মনে এমন একটা ভয় ঢুকাইয়া দিল
যে, তাহা আর জীবনে ভাঙে না; সব কাজে ভয় পাইতে
লাগিল, সাহস যে কি জিনিষ তাহা তাহার বুদ্ধিতে পারে
না । ক্রমে তাহাকে ওরে মানিক, ওরে যাহু, ওরে
গোপাল ইত্যাদি মায়ামূচক আদর কারয়া, বাপ মা
নিজের মাথা নিজে খাইতে লাগিল । নিজের শরীরে
মায়া ঢোকাইয়া দিল । সঙ্গে সঙ্গে ছেলের শরীরে
ঢোকাইল, তখন ছেলে—“মায়া” এই শব্দের “মা”
বাদ দিয়া “মা-মা” বলিতে লাগিল । পরে বাপ মা সাধ করে
মায়ার বশে ছেলেকে এটা, সেটা খাইয়ে পরিয়ে ছেলের
লালসা ও বিলাসিতা বাড়াইয়া দিল । ভাবিয়া দেখুন
যখন তাহার জ্ঞান হইবে, তখন ঐ ছেলে কি প্রকারে

একখানি কাপড় একটা জামা (চাদর নিবারণি সস্তার
 রূপে চাদর 'ত' উঠিয়া গিয়াছে); আর ভাল কাপড়
 জামা রাখিবার আবশ্যিক কি? যা বাজার পড়িয়াছে
 সকলেই তা স্বচক্ষে দেখিতেছেন; আমাকে আর এ
 নম্বন্ধে অধিক বলিতে হইবে না। অবস্থানুযায়ী মুন-ভাত,
 শাক-ভাত ও ভাল রুটি ভিন্ন আর খাইবার লালসা অধিক
 করিও না। বিলাসিতার জ্বা বাডীতে আর ঢুকিতে দিও
 না। ঘুম এলে বিছানার আবশ্যিক হয় না, এমন কি লোকে
 বসে বসে, দাঁড়িয়ে দাঁড়িয়ে চলতে চলতে ঘুমায়। মন
 নিশ্চিন্ত না থাকিলে ঘুম আসে না, অতএব ভাল বিছানা
 অপেক্ষা মনকে নিশ্চিন্ত রাখিলেই ঘুমের ব্যাঘাত হবে
 না। যেমন হাঙ্গা এলে বাঘার ভয় থাকে না সেইরূপ
 ঘুম এলে বিছানার ভাল মন্দ বিচার থাকে না। বাহাতে
 শরীরের মধ্যে ভগবদ্ চিন্তা ভিন্ন অন্য চিন্তা না আসিতে
 পারে সে বিষয়ে সাধ্যমতে সকলের চেষ্টা করা উচিত।
 যখন স্বার্থ ছাড়া কেহ চলে না—তখন নিজের পথ নিয়ে
 ধুঁজিয়া লওয়া উচিত। সমাজের ভয় রেখো না;—
 লোক নিন্দার ভয় রেখো না, তা' হলেই কষ্ট;—সংসারে
 'আয়নার মুখ দেখাদেখি' এইরূপ ভাবে সমাজ, লোককথা
 আচার ব্যবহার চলিতেছে। এই ভাবে চলিতে গেলে

প্রথমে নিজে আন, তৎপরে ঘরে বাহিরে বিস্তরণ কর ।
 ২ ধন যত দিবে তত বাড়িয়া যাইবে । তখন অত্যাচারী
 ধনীর ধনকে তুচ্ছ বোধ হবে ; তখন নিজেই মহাজন
 হবে, কাহারও নিকট আর খার লইতে হবে না । আজ
 কাল বেকরূপ বাজার পড়িয়াছে, তাহাতে ধনী ও দিন আনে
 দিন খায়, একরূপ লোকের কোন কষ্ট নাই ; কষ্ট কেবল
 মধ্যবিত্ত লোকের ; ইহা মানবমাত্রেই স্বীকার করিতে
 হইবে । অতএব মধ্যবিত্তের কাষ্ঠ হাঁসি হাসিয়া ধনীর
 সহিত আর আয়নায় মুখ দেখা দেখির আবশ্যিক কি ?
 কষ্টে কষ্টে মধ্যবিত্তের মুখ ক্রমে ক্রমে পুড়িয়া আসিতেছে,
 এই পোড়ার মুখ দেখাইবার আবশ্যিক কি ? “রামে ও
 মেরেছে এবং রাবনেও মেরেছে” ;—“একটিলে হুই
 পাখি মারিবার উপযুক্ত সময়” ;—এই সময় মধ্যবিত্তগণ
 মনে করিলে অনায়াসে ভোগ বাসনা ও বিলাসিতার
 জলাঞ্জলি দিলে কেহ কোন কথা কহিতে সাহস কবিবেনা ।
 এই সময় স্বষ্টচ্ছায় ত্যাগ স্বীকার করিতে পারিলে ক্রমে
 ক্রমে বাহ্যাদেশের ও অভাব ঘুচিয়া যাওয়া মন নির্মল হইবে ;
 মন নির্মল হইলেই মুখে সেই জ্যোতিঃ প্রকাশ পাইবে ।
 ক্রমে সেই ছায়া অগৎ পুড়িয়া ব্যপ্ত হইবে । তখন ধনী
 মধ্যবিত্তের দর্পনে মুখ দেখিবার ইচ্ছা করিবে ! ইহা



ষষ্ঠ পরিচ্ছেদ ।

যোগ সাধন ।

যোগ সাধন দুটি কথা ;—মনোযোগের নাম যোগ, ও অভ্যাসের নাম সাধন । মনোযোগ অভ্যাসের নাম যোগ সাধন । যাহার মনোযোগ অভ্যাস হইয়াছে, তিনিই যোগী । মনোযোগ অভ্যাস অর্থাৎ স্মরণ শক্তি—উৎকর্ষ সাধন । কোন বিষয়ে অভ্যাস করিতে গেলে, প্রথমতঃ যত্ন, পরিশ্রম ও অধ্যবসায় চাই । 'স্বীয় কর্তব্য সাধন করিয়া শৌক্য মাত্রেই যে যার উদ্দেশ্য ও বাসনা রূপ ফল লাভ' করে এবং তাহাকে যোগী বলা যায় ; অর্থাৎ সে কর্তব্য সাধনে

বলিলে অসুস্থ হয় না। যাহার শক্তির উপর বিশ্বাস ও অসুস্থতা নাই, সে কি প্রকারে ভগবানের শক্তিকে নিজের শক্তিবলে বিশ্বাস করিবে। সেই নাস্তিকের সম্বন্ধে কোন কথা কহিবার কান্দাল দাসের ক্ষমতা নাই।

ঐ রূপ লোকের মন সর্বদা মোহদ্বারা আচ্ছন্ন, কেবল তাহার মন বিষয়ে “আমার আমার” চিন্তা। কোন শক্তিবলে নিজের শক্তির হাস বৃদ্ধি হয় ইহা যাহার অসুস্থতা আছে, সে কখনই ভগবান নাই বলিয়া স্বীকার করিবে না। মনে করুন, একজন অপর একজনকে ভালবাসে, যদি তাহার নিজের একটি অমূল্য দ্রব্য (যাহা তাহার প্রাণ অপেক্ষা প্রিয়) থাকে, এবং সেই দ্রব্যটিকে, যাহাকে ভালবাসে তাহাকে পাঠাইতে ইচ্ছা করে, তখন তাহাকে কি করিতে হইবে। প্রথমে অমূল্য দ্রব্যটিকে ভাল করিয়া পাট করিয়া সাজিয়া একখানি কাগজ দ্বারা চতুর্দিক চাপাদিয়া দড়িদিয়া বাঁধিয়া, পরে বস্তুর টুকরা দ্বারা জড়াইয়া ভাল করিয়া সেলাই করিয়া, সেলাইয়ের স্থানে গালা দিয়া সিল মোহর করিয়া তাহার উপর নাম ও ঠিকানা লিখিয়া জরুরি মন্তব্যস্থানে পাঠাইয়া দেয়। ভাবিয়া দেখুন যে ভালবাসে সে কত যত্ন, কত পরিচর্যা করিল,

যেহুনের এই কথায় লালাবাবুর ঐ ভক্তি
হইয়াছিল ।

২। আকাঙ্ক্ষা যুক্ত দেহি শব্দ উচ্চারণ না করিয়া
ভগবানকে ডাকিতে ডাকিতে মনে যে ভাবের
উদয় হয় তাহাকে “আহৈতুকী” ভক্তি কহে।
প্রহ্লাদের “আহৈতুকী” ভক্তি প্রথম হইতে
হইয়াছিল, কিন্তু ক্রমের “হৈতুকী” হইতে “আহৈতুকী”
ভক্তির সঞ্চার হয় ।

৩। উদ্দেশ্যহীন অথচ তোমাত্মির জ্ঞানিনা এইরূপ
উদয় হইলে তাহাকে “মুখ্যা” ভক্তি কহে।
শ্রীরাধিকা ভিন্ন ঐরূপ ‘প্রেমভক্তি’ কাহারও
ছিল না ।

মহাপুরুষেরা প্রায় বাল্যজীবন হইতে ভগবন্তক্তির
পরিচয় দিয়া থাকেন । পূর্বজন্মে ভক্তির বীজ অঙ্কুরিত
না থাকিলে প্রায় ঐরূপ ভাব দেখা যায় না । দরিজের
প্রলোভন বস্তুর আকাঙ্ক্ষার সংখ্যা কম থাকার দরুন,
তাহারা হৃদয়ে, মনো অপেক্ষা সহজেই ভক্তিকে আনিতে
পারে । ভক্তিরাজ্যে জাতিভেদ ও বর্ণভেদ নাই, তাহার
প্রমাণ গুরু চণ্ডাল । যাকুবই বসিয়াছিলেন সূচের

কিন্মা ভগবানের কৃপালেশ্ব হইতে কখন যে কিরূপে ভগবানের কৃপা হয় তাহা কেহ বলিতে পারে না ও জানিতে পারে না । তাহার সাক্ষ্য জগাই মাধাই । তাহারা কি স্বপ্নেও ভাবিয়াছিল যে তাহারা উদ্ধার হইবে । স্নেহ, ভালবাসা, বিশ্বাস মানুষের অপেক্ষা পশুর অধিক, সেইজন্য ভগবান উহাদের আহারের সর্বদা বন্দোবস্ত করিয়া রাখেন । মানুষের ঐ তিনটি গুণ পূর্ণ মাত্রায় না থাকতে, রিপূর দৌরায়ে ভগবানের ছডান ভালবাসা কুড়িয়ে নিতে পারে না কিন্মা নেবার চেষ্টা করে না । আমরা কেবল চামড়া ঢাকা মানুষ ; প্রকৃতি ও প্রবৃত্তি পশু অপেক্ষা অধম । আমরা না পশু,—না মানুষ ; যেন কিছুত কিমাকার ;—আমাদের সব আছে, অথচ কিছুই নাই ;—তাঁই বিশ্বাস তদ্রূপ । প্রকাশ্যে কিন্মা গোপনে যে যা করুক না কেন, তাঁর কাছে কিছুই ছাপা থাকবে না । কিন্তু মানুষের কি দুর্বুদ্ধি যে পাপ করিয়া লুকাতে চায় ঠহাতে যে কি সুখ পায় তাহা বলিতে পারি না ;—কেবল যাতনা ভোগ ভিন্ন আর কিছুই লাভ হয় না । “মুনিগাঞ্চ মতিভ্রম”,—যখন মুনিদিগের ভ্রম হয়, তখন সাধারণ মানবের পক্ষে ভ্রম অসম্ভব নহে কিন্তু দুঃখের বিষয় এই যে ভ্রম করিয়া তাহা জানিতে পারিয়াও তাহা সংশোধনের

মৃত্তিত হইয়া, স্ত্রী জাতি নিজে নিজে ঘৃণার পাত্রী হয়।
স্ত্রী লোক শক্তি সম্বন্ধে : সাধ্বী স্ত্রীলোক যদি শক্তি
প্রকাশ করে, তাহা হইলে পুরুষের সাধ্য কি তাহার
নিকট শক্তি প্রকাশ করে; এমন কি যম দাঁড়াইলেও থর
ধর করিয়া কাঁপিতে থাকে। স্ত্রী জাতি মনে করিলে
তাহাদের সত্য প্রভাবে মৃত্ত স্বামীকে যামের হাত থেকে
কাড়িয়া লইতে পারে। যদি “সাবিত্রী সত্যবান”

ও “পতিনারায়ণ” এই প্রকারের পুস্তক ভাল
রূপে পাঠ করিয়া স্ত্রী জাতি তদনুযায়ীক কার্য করে,
তাহা হইলে নিজে নিজে শক্তি সম্বন্ধে কি না, তাহা
সহজেই বুঝিতে পারিবে। যাহারা নিজে শক্তি,
তাহাদের সংসারের যাবতীয় লোক দুর্বল হইয়া দুঃখ
ভোগ করে কেন? এই সব কষ্ট দেখিয়া কাকালদাস
দুঃখের সহিত কহিতেছে, হে ভদ্রমহিলাগণ! আর
নিজেদের মধ্যে বদনাম রাখিবেন না, যে যাহার নিজের
শক্তি কর্মযোগ, জ্ঞানযোগ ও ভক্তিযোগ এই তিনটির
একটা আশ্রয় করিয়া ধর্মপথে অগ্রসর হউন। এই
কাকাল আপনাদের ছেলে;—ছেলের আবিদার বাখুন,
ছেলে আপনাদের হাতে পারে ধরে বোলুছে যে,

করিবেন । এইরূপ সমস্ত জ্বীলোকের হৃদয়ে যখন শান্তিময়ের আবির্ভাব হইবে, তখন আপনাদের ত্যাগ করা দুবে থাকুক, বেদ ও পুরাণের নূতন সংস্করণে লিখিতে হইবে যে, কেবল কাঞ্চন ত্যাগ করিলেই যোগ্য পান ও ভক্তি পথের পথিক হওয়া যায় । ইহা অপেক্ষা আপনাদের গৌরবের বিষয় আর কি হইতে পারে, কাল্পনিক নামের শেষ শিক্ষা এই যে মানবমাত্রেই (কি পুরুষ কি জ্বীলোক) সকলেই হৃদয়ে শান্তি আনিবার চেষ্টা করিবেন ।
 ফলে, কাল্পনিক বলিয়া বোধ হয় তাহার কথাগুলি মায়েদের মনোরঞ্জন হইল না । এইবার ছুচারিটা হরিনাম স্তনাইয়া মায়েদের মন ঠাণ্ডা করিয়া দি ।

ঝিঝিট যৎ ।

তিলেক দাঁড়ারে শমন, একবার হরি বলে ডাকিরে ।
 বিপদ কালে মধুসূদন, আসে কি না আসে দেখিরে ॥
 লয়ে যাবে সঙ্গে করে, সে জন্ম ভাবনা কিরে ;—
 তবে হরিনামের কবজ মালা, বুধা গলায় ধরিরে ॥
 পতিতগণে দিতে সাজা, আহ ভূমি যমরাজা,
 আমি পতিত নয়রে পতিত পাবন,

আমার হৃদয় মাঝে ঠা ছেয়ে ॥

বাঁশীর গুণ আছে যত, প্যাপ মুখে আর বোল্‌বো কত,
যমুনা ব্রজগনা, হ'লো শ্রামের সেবা দাসী ;—

যে শুনেছে সেই মজেছে আমরা শুধু•বাকি আছি ॥

একদা রাখাল গণে, ধেমু লয়ে তাদের সনে,
যশোদায় বোল্‌লে গিয়ে দে “মা” মোদের

কানাঠি বাঁশি ॥

কানাঠিকে কোলে কোরে, স্নেহভরে বোল্‌লে জোরে,
গোপাল মাঠে যাবে নাৱে, নে যা তোদের

কাঠের বাঁশি ॥

রাখালগণ ছুঃখ ভরে, বোল্‌লে মায়ের চরণ ধরে,

“শ্রীমুখের” রস দিনে মা, রাভেনাতো ঐ বাঁশি ॥

রাধা রাধা বলে বাঁশি, শ্রীধার মন হয় উদ্বাসী,

কষ্ট প্রেমে ডুব রাধা, পড়লে গলায় প্রেমের ফাঁসি ॥

পত পক্ষী বৃক্ষলতা, রাধা নামে কয় যে কথা,

ইচ্ছা করে বাঁশি হয়ে “শ্রীমুখেতে” লেগে থাকি ॥

লীলাময়ের লীলাসুমি, বন্দাননের সকল জমি,

তাপিত প্রাণ শীতল করি মেখে গিয়ে রজরাশি ॥

শ্রামের চরণ ধোয়াই গিয়ে, নয়ন জলে দিবানিশি ;—

